

蕪湖縣志卷四十四

名宦志

漢

黃蓋獻帝初平元年為春穀長後轉丹陽尉抑強扶弱山越懷附按兩漢

治宣州凡十七縣春穀蕪湖並隸焉係各自為縣春穀長馬得入蕪志
晉武帝初移丹陽郡於建康而以蕪隸之又分置宣城郡而以春穀隸
之尤渺不相涉至安帝義熙間始併
春穀入蕪湖兩縣乃得混而一也

齊

邱仲孚字公信吳興烏程人永明七年令于湖有能名太守呂文顯當時
倖臣凌轢屬縣仲孚獨不為屈

宋

馬亮字叔明廬州合肥人至道間進士為大理評事知蕪湖有智略敏於
政事再遷殿中丞通判常州羅處約使江東以亮治行聞擢知濮州歷

官皆有聲訊冤獄除舊逋振貧民全活者數千百人以太子少保致仕卒贈尚書右僕射謚忠肅宋史有傳

蔡觀莆田人元符元年任蕪令才優職舉政成令孚作新廟學民咸頌之林修元符間為蕪湖令修葺學舍增廣生徒士氣丕振

沈端節乾道三年任蕪湖丞加意民瘼時大旱祈雨有應創志喜亭於神山後除本縣知縣

黃滋昭武人慶元二年任蕪湖丞六年遷知本縣撫摩彫瘵修舉廢墜留意學校政最一時

趙崇玘三山人嘉熙末為蕪丞淳祐元年晉本縣令材裕於劇應酌整暇增修學宮立縣主簿題名記諸生戴若父師去任建生祠以祀紹興府觀察判官盧遜為記

汪汝則字叔方涇縣人宣和二年除蕪湖縣丞性嗜學能屬文以助平方

臘功改衢州士曹遷承直郎秩滿判紹興府以不附秦檜守祠起知信州徙衢州時廷臣有於殿前論郡守人材者上曰使人人如汪汝則何患不治尋以疾乞歸

韓杲卿紹熙三年任蕪丞重建縣治增修學舍有治績

石孝淳嘉定六年任縣丞增修學校有聲於時

潘友德嘉定十三年任邑丞勤於佐理重修縣學堂無人稱其能

張叔夜字樞仲永豐人用廕為蘭州錄事叅軍昔志云元祐間為蕪湖縣

主簿宋史本傳未載大觀中歷庫部員外郎繼進禮部侍郎為蔡京所忌以徽

猷閣待制再知海州宋江起河朔計擒其副賊江乃降又平山東羣盜進龍圖閣直學士尋領南道鄆總管金人再至欽宗手札趣入衛與子伯奮仲熊將三萬人至都進資政殿學士俄簽書樞密院城陷叔夜被創猶父子力戰淵聖出郊追赴軍中遂從以北道中不食粟次白溝仰

天大呼遂不復語明日卒赴聞贈開府儀同三司謚曰忠文

魏文忠慶元三年任縣簿贊襄修學興廢舉墜時縣尉蔣萬與文忠皆名家之彥儒雅自飭邑學既新仍增廩粟繕器用潔飾弁服燦然有光於前

汪叔詹字至道歙縣人宋甯中進士嘗權蕪湖縣時運使廬宗原請隄丹陽湖為田方大興役叔詹以為不可成宗原抵以格詔叔詹至京師上封引唐李白詩湖與元氣連風波浩難止為驗徽宗閱之即日罷役擢提舉潼川路常平究鹽井利病奏捐虛額及免逋欠者甚多比還樞密李綱引為編修官終司農少卿卒年八十一

事載羅願新安志先達傳
蕪志向不載試攝官故逸

之茲據志
餘補入

元

歐陽鉉元史鉉字原功號圭齋其先廬陵人徙瀏陽延祐元年設科鉉與

貢明年賜進士出身由岳州路平江州同知調太平路蕪湖縣尹縣多疑獄久不決鉉察其情悉為平反徵賦及時民樂趨事教化大行飛蝗不入境改武岡縣尹瀕行以詩別蕪父老詞旨藹然歷官四十餘年授湖廣行中書省右丞致仕卒年八十五贈大司徒柱國追封楚國公謚曰文元史有傳

張禎字善夫潁人前至元十七年尹縣時大兵東征市民百輩操舟冒雨渡淮禎奮不顧身扁舟往請得其民而還又寬夜禁以便民生理立房正以代貧民之役時和糴者每強民之所無禎屢請得除免捐俸修黌序暇則與學宮弟子研究經史評論往古得失圖靡草綠德化大孚民一立碑頌德教諭謝啟東撰記

臧源字伯川前至元二十二年乙酉知縣事治邑三載教行政舉浦源字以開吳郡無錫人泰定三年尹縣均差役勢家不能凌轢貧賤時

大水勸賑富民鮮積米源謂民饑甚胡能擇食聽輸者以糴穀充納郡
發廩米千担命減直以糴源謂民有錢可糴則不饑矣盡以米濟之而
不責其直語同列曰郡有責吾獨償不以累諸君也清僧人所占學田
還之學勸民無訟更為雍睦爭者感悟而退

汪澤民浦侯去思碑記
蕪湖古鳩茲今為壯縣當南北之衝郵傳商賈舟車之所走集民聚以蕃故宰是邑者尤不易泰定丙寅秋浦侯實
來逮天歷己巳將秩邑秀民耆農以辭謁予曰昔之良吏遠矣比吾
所目觀可一二數也或以廉著或以能稱二義兼至重以慈惠為心莫
吾浦侯若也縣每差召至役戶吏胥緣為奸利不盈幾夫者埒高下倒置其依
勢較標者吏又縣弟敢召至役戶吏胥緣為奸利不盈幾夫者埒高下倒置其依
喻以義署先後歲月俾如令服事用不悅從先民饑甚境內大水郡勸輸者
以賑饑者富民無積米輸給弗時適侯至悅曰民饑甚境內大水郡勸輸者
以賑饑者富民無積米輸給弗時適侯至悅曰民饑甚境內大水郡勸輸者
則不雜穀充數以時年麥未熟且語郡同列倘郡有責吾願以糴穀充納
民或貸粟於鄰其甚者挾勢恣橫白晝攫攘毆擊其情微得券約獄悉平反
邑素多強暴其甚者挾勢恣橫白晝攫攘毆擊其情微得券約獄悉平反
初有孤女罹禍鄰人止之兇徒牽左右割冠其家毆其人幾死侯悉捕
之并其黨皆真諸法其渠魁卒以徒死餘皆肅然民始得安邑土汙下
水多害稼往歲檢察弗當富者以賂免其賦止責貢侯齎餼六十有奇
避勞咸得其實丹陽鄉之馬塘縣學有廩生田為畝一百六十有奇

能仁寺僧檀為己業比御史建言以學校故籍多不具下有司覈稽之
勒石垂永久侯即覈僧侵田還諸學侯終日坐公宇退輒閉門讀書私
謁一不傷入民或不禮其嫂兄訟之侯語以兄弟夫婦孰親吾非不能舉法
遇一傷而訟求直馬侯曰若等遠賈將利是求今交訟縣庭必落器來市爭
甯不思出入相友之義乎爭者感悟而退其不尚成刑崇禮化類如是
至若修席舍以來學子饋過師以安閑里奉憲檄以發賊私善政莫可
殫紀惟吾邑有善南張公能撫我民民思之今又得以彰侯績云
以淵吳郡人由翰林編修官為太常寺丞轉浙省照磨來尹
茲邑文學政事皆著聞於時為不勒石懼無以彰侯績云

劉善濟字伯川前至元乙酉任縣簿協恭修學勞績甚著

明

楊倂字廷舉合肥人明初歲兩申知蕪湖縣時遘兵燹境內率逃亡逋賦
倂至首詢民間疾苦興利除害招徠遺黎撫摩彫瘵邑以治稱壬寅建
縣治及鋪舍百姓感慕立石頌德

黃朝弼洪武初年知縣事廉勤清慎門無私謁公務雖繁退必讀書蕭然
四壁類寒士後以累誤去官士民持金帛相贈固却不受惟將元攜書

一龍易鈔為路費人皆稱之

吳聰廣東潮州人洪武初由通經儒士任縣丞廉慎自處以德禮為治性至孝嘗懸海雲南望圖以表思親之意民有不孝者泣而語之曰吾以不得侍養為憂汝幸在膝下何為不孝人多率教改行焉秩滿陞知高

唐州

李行素山西平陽人洪武二十一年令蕪湖賞罰嚴明修舉廢墜立士民吏胥巾服制又持己廉平不事華侈吏民畏威懷德秩滿陞刑部左侍郎

王吉字惠迪景州人洪武二十九年由監生任蕪丞剛毅不避權勢見義敢為事有不便於民者屢請於朝革之民懷其德後擢耀州知州

周宗溥永樂八年任縣丞修城隍廟山川壇觀德亭及縣治有能聲

雷繼福建建安人宣德初由進士御史出宰蕪湖持身清慎以文章政事

稱秩滿陞廣東僉事

張昇浙江錢塘人宣德間為蕪湖令時中貴絡繹督辦苛征昇才能應劇事治而不擾民多賴之後改官句容秩滿陞兩淮運使判官

李寬湖廣宜章人由鄉貢出仕大臣薦陞本縣令清正剛方修復通津橋民賴以濟丁內艱士民遮道相送起知桐城縣亦有聲

黃誠廣東合浦人由貢生中春秋魁卷宣德七年任本學教諭勤於教導規條嚴整在任九年士子多賴其陶鑄陞廬江縣後家於蕪

廖驩字貽後江西吉水人宣德間由薦舉任本學訓導治詩經為毛鄭專家羣經子史靡不通曉成誦為古文詩詞賦援筆立就尤善訓勵諸生涖任九年啟迪甚多士皆悅服

徐廷實浙江龍泉人由鄉貢任金谿訓導正統間陞令蕪湖為政務尚簡易秩滿以病卒於官百姓思之

葉起字廷芳浙江新城人景泰間由監生任縣事剛果有為修造本縣公宇學舍宏敞壯麗甲於諸邑未滿任以事去官

林瑱字廷美福建莆田人景泰間由歲貢任本學教諭凡九年訓迪不倦秩滿陞建昌府學教授

陳源字本清山東昌邑人成化二年由鄉貢選縣令材能明敏歷九載因事解官士民無不嘆息

謝文禮字仲謙福建長樂人成化二年由歲貢任教諭持身端勤學問優長所賞拔盡得時彥

張淮字邦鎮河南襄城人由進士任山陽縣成化十三年改知蕪湖清儉率下有幹濟才修學廟置禮器廨宇倉厰務為堅整革弊安良吏民畏服擢御史再陞江西僉事四川廉使

劉憲字廷式湖廣益陽人成化十五年以進士任本縣令勤民疾苦百廢

俱修改造漕港驛於縣市遷河口鎮巡檢於漕港邑人便之凡里巷有
關忠孝節烈者皆建坊牌表異之三載擢御史歷官刑部侍郎忤逆瑾
死於獄

唐詔山東陽信人成化間由天長知縣陞任太平同知慈祥清慎吏民敬
服嘗署蕪湖廩抽分木植大書誓詞於門以杜賄囑十五年疾卒於官
啟筭無長物惟書籍舊服數事而已官備棺衾歛之歸其喪

魯義字時宜湖廣黃岡人由進士知金壇丁艱服除成化十九年改知蕪
湖縣慈祥愷悌省財愛民憫時旱祈禱懇切以勞瘁中暑病旋卒於官
四民感恩莫不流涕

趙璣字時用江西餘干人宏治間任本學教諭訓勵多方精於賞識尤長
於詩歌邑之名勝題詠殆徧

林世遠字思紹廣東四會人宏治二年由進士知縣事明敏剛斷興利除

害修邑志建解宇百廢具舉歷三載丁內艱去民戴其德

張伯祥字元吉浙江鄞縣人宏治戊午由舉人任縣事勤恤民隱政尚平易有古循良風邑庠舊無尊經閣勸諭商民佐木石之費功成而民不知勞他凡措置多類此

汪本字惟中江西浮梁人正德六年由進士為蕪令節用省訟寬賦輕徭時流賊猖獗客兵四集本委曲處置以足軍需民無所病草行露宿與百姓同甘苦防禦無遺策賊不敢犯陞南京刑部主事

王軾字子敬廣東揭陽人正德十五年以舉人宰縣事值宸濠叛逆中官擁大軍作威福軾泣政甫三月僚屬悉逃去軾獨當之芻糧委積咸備中官無以難轉為敬禮時武宗駐驛南京撫按移檄飭發部民三千赴役軾獨備鹽鐵銀貳伯兩就募比天暑夫暍死過半巡撫令應天通判查覈軾無饋遺被劾赴部別用即飄然而歸未幾薦檄復徵竟不出士

民思慕之入祀名宦

李暹湖廣南漳人正統間由吏員任本縣主簿為政寬簡通曉刑名九年秩滿致仕

李鑑陝西人由吏員任句容典史清慎勤敏九年考滿以巡方薦陞溧水縣主簿成化間調任蕪湖以禮致仕遠近稱之

王德溢字十竹福建連江人嘉靖六年由進士涖縣任明敏練達洞察民隱均徭里甲與江夫事宜裁處悉當尤加意學校教養從至三年入為御史

余坤湖廣巴陵人嘉靖八年由舉人任教諭文藻燦發時無與儔尤加意講明經學朝夕疊疊不怠師生相與若父子然其才而貧者往往分貲贍之

張永明號臨溪浙江烏程人嘉靖十五年由進士任縣事興學勸士賢聲

藉藉十八年興獻太后梓宮南柩道經蕪湖中貴勢皎烜赫永明委曲劑量祭祀供應悉如禮制民賴以安三年入為刑科給事民為立去思碑歷官左都御史贈太子太保

陳一道字邦緒號愚泉福建晉江人嘉靖三十一年任縣丞勤於職業雖起家刀筆而禮賢好學習知古今典故恂恂如諸生會倭寇犯境承檄南陵防勦眾皆奔竄一道鼓勇直前以孤軍深入被害義男陳子義挺身赴援同死賊士民無不感泣事聞贈應天府通判廕子宗堯入監子義亦贈應天府經歷立祠縣治東四時祀之

張天德字新吾永明子萬歷十三年以進士為縣宰廉能並著擢監察御史後遷徽太道惠績益孚先是永明令蕪一載有熊夢之祥即天德也因願其堂曰繼美父子相繼以卓異徵越四年續縣任者為葉繼美與堂名昭合亦奏最內擢一時稱異

葉繼美字含章浙江嘉善人萬歷間以進士知金谿補任蕪湖廉明剛果
撻伏如神甫下車即遷學宮於金馬門舊址不善事上官為時所忌知
府陳璧嘉其風骨請於朝擢給事中後以建言謫為民卒於家

勞永嘉號金粟浙江崇德人萬歷三十年由進士任縣事通達庶務勤於
簿書公事畢退坐衙齋朗誦高吟手不釋卷性不喜諂事上官送迎幾
廢歲時遣吏問民疾苦農業閒暇風物晏然殆駸駸乎以經術緣飾吏
治已調當塗令官至福建左布政

馬重德字瑞軒遼陽右衛人萬歷辛亥由明經任太平通判廉靜寡欲轉
輸屢稱上最攝蕪樵者數月仁聲四訖士民碑其德竝建祠於北郊道
左本朝順治間邑人呈請入祀名宦予鳴佩總制兩江有惠政並祀名
宦

曾表字資銘廣東東莞舉人萬歷四十一年涖蕪縣惠政仁聲著聞鄰郡

署上上考袁才藻淵洽政事之暇時命駕往朱孝廉讀書處支頤危坐吟咏而返當聽斷時敲扑喧囂牒訴憧僛目視耳聽口答手批一時竝舉了無差謬百姓畏而愛之六年如一日

俞育婺源人萬歷四十四年由舉人任教諭性耽誦習嚴立課程以自勗訓諸生皆有法時或貸俸資人不徵逋償拒黃緣杜占籍任三年以憂去士戴之立生祠以祀邑人羅萬爵為之記

晏清字鉉州進士湖廣黃岡人天啟元年為縣宰調吳江以卓異行取吏部主事先是清未任時舊令曾襄建坊縣前掘地得晏清二字清旋至亦一異也居官廉介衙舍薪米之類一毫不妄取民間聽斷如神四境安堵調吳江日百姓扶老攜幼相率遮留至與吳吏之來迎者爭於道竟不得行再宿然後去善政得民如此

黃元賡字樞庭歙縣癸卯舉人天啟五年任教諭元賡以名家子居冷官

日以琴尊歌詠為樂坐客寒無氈弗計也期會諸生課試文藝有不遵期式或課下者輒面訶譴之教以敦孝弟飭文行為先學校莫不興起後陞澧州知州卒於官

雷起龍字伯名四川井研人天啟六年以進士泣蕪仁厚愛民蘇息里甲剖決冤抑綽有賢聲尤加意造士甄別甚精嚴而優禮溢格人咸敬慕時桂惠瑞三王出就藩封皆道經蕪江供億繁重起龍酬應無不悉當民以不擾至今懷之歷官大理知府

梁應材字瑤石廣東陽春人由進士任江西進賢縣崇禎三年調知蕪湖每晨出視事必焚香告天誓為百姓興利除害訟獄無擾征歛不苛學舍年久傾圯始至即勸諭捐助自堂廡殿門以至泮池橋坊繚以周墻鼎新建置秩滿陞兵部主事轉吏部員外郎

孫裔蕃字臨鵠浙江平湖人天啟七年權蕪關寬仁慈惠時閹勢大張權

關者例有饋送齋菴絕不與通幾嬰不測期滿遂辭歸商民為立生祠

有荆山餞飲兼懷山墅隱居斷句其一云前輩遺踪荆石存蒼茫雲樹接煙村浮嵐滴翠渾圖畫影入清流送客樽其二云鐘清覺與晚風宜

樹古窻嫌得月遲歸去水鄉耕拓叟好分寒碧話心期

井焜字虞章北直文安舉人崇禎十二年知縣事每歲春時親歷村社勸課農業暇則集諸生學舍會文講論折獄明敏民自無欺時江北流寇披猖焜修築城堡預為防禦其經營創造俱躬自措辦毫不取諸民間民恃以無恐去之日百姓老幼相率號於道左為立生祠於三慈菴舍史可法字道隣北直宛平進士崇禎八年間任池太兵備道駐蕪湖流寇陷廬和焚掠甚酷烽火相望僅隔衣帶水邑人日憂其飛渡可法統江面數百里調兵守汛鑄火器練兵勇刁斗精嚴不少懈身在行間御甕笠與士卒同辛苦不寐者輒數晝夜賊卒不能渡江左賴以無失獲安堵者不獨所轄地也後陞皖撫為淮督參贊福王立以兵部尚書大學

士督師揚州清多爾袞致書勸降却之城陷被殺

夏繼虞字揖諧雲南羅江舉人崇禎十五年知縣到任數月值編審里甲秉公按圖親裁細剔積弊令苦樂均平榜出萬民悅服次年春總兵左良玉兵分道焚掠蕪民逃竄一空繼虞嬰城固守撤斷橋梁叛兵不能渡於是距河坐城樓曉諭大義隨星夜請兵追勦蕪民獲安後擢御史去

清

賈一奇字而平江西南昌人中前癸酉鄉試崇禎末任蕪湖令順治乙酉豫王定江南蕪為南北要衝師旅往來日無寧宇一奇內撫百姓外安戎伍恩威並至撫字之餘尤加意人才培養學校士之振興賴焉丙戌再行科舉一奇以春秋分房所拔皆佳士未幾以內艱去士民懷之勒碑誌遺愛歷官山東青州道

張邦寄號震軒遼東生員順治五年為邑令蕪湖路居衝要百姓苦於驛遞夫差支應繁雜邦寄一切裁減務為節省民賴以安明慎用刑縣無留獄服食從儉日需蔬米之屬概准市值平發無絲毫累民五年以賢勞卒於官宦索蕭然士民莫不哀之

宋之屏字霞城宣府衛人順治十六年由進士任池太道廉謹與儒素等交際饋遺悉行屏絕治百姓極寬而御下極嚴吏胥見之無不服慄時涖蕪戶工兩關榷務各關口置木牌一有胥役苛索者許商民碎其牌竟去每日親為查覈商賈無不感服蕪城傾圮捐俸倡修城以完固後丁憂歸里舟楫蕭然有鬱林遺風云

梁化鳳字冲天號澧源順治丙戌武科進士以征大同功調蕪采營參將駐劄蕪湖號令嚴肅武備整齊待軍卒以法撫百姓以仁遇士大夫以禮有古名將風授甯國副將尋陞崇明鎮總兵以救援江寧掃除海寇

論功第一擢提督江南通省戎政加太子太保駐劄松江檄飭防禦征
勦事嚴密有法山島宴然康熙十年卒於官

呂英傑山西河曲縣人前四川北鎮左營遊擊順治初隨肅藩入川屢建
大功十七年陞蕪采營遊擊歷任七年卒於官英傑為人老練明達不
避艱險又愛撫百姓以地方民隱為己任康熙元年歲大旱草屨徒行
三步一拜出郭五里外禱雨時為民牧者未及也又捐俸修演武廳及
軍器諸物未嘗以貧乏為念出署時囊橐蕭然識者韙之

郭孝思陝西長安人監生康熙二十九年知縣事潔己愛民興立義學著
有涖蕪政略在任三載去百姓卧轍攀轅建生祠於北門外兼立去思

碑

張驚河南陝州人雍正五年由舉人為蕪宰在任二年正直無私判斷明
晰代貧民賠墊江夫請免錢糧火耗培植士類振興風教去任時沿途

供帳演劇送行至有墮淚者

韓文成號自廬山東陽信舉人乾隆十年知縣事清剛正直不矜明察剖斷平允革除諸陋規市賈悅服倡修儒學及浮橋石岸整飭有方事舉而人不擾後題陞滁州牧未到任卒民情至今愛慕之

李世傑字漢三號雲巖貴州黔西州人乾隆三十年涖道任下車旬日即創議建中江書院數月落成延師考課必親臨以禮下之多方鼓舞蕪之文風丕振自此科第不替者皆公之造也其興利除害懲暴安良人皆德之陞湖北臬司去士民攀轅不忍釋歷官太子少保兵部尚書

張士範字莖亭陝西蒲城舉人壬寅由池州太守陞授道任加意培植學校葺書院延請名師增益膏火鄉會試必以厚資贐士每值歲除分遣人賑恤貧苦遇荒歉即蠲廉平難撫卹備至焉平時訪察胥役及游手滋害商民者嚴行懲創地方賴以安堵人樂恬熙一旦以累誤去官黎

庶如失所天焚香泣送者不絕朱十年子汝驤以舉人出守太平時論榮之

孫梅字春圃浙江烏程人由中翰官太平司馬恬淡嗜學下車諭書吏曰此間曹也惟當以安靜處之爾輩平昔所為必沉墮孽海須隨我清苦聊當懺除前過耳在任數載僅憑廉俸為餽粥不妄取民間一錢上官器之三聘鄉閭盡心搜索多得名下士委督漕運有旗丁懷金餽贐者叱不受其操守介然如此卒於官無以為殮邑令陳聖修為具棺衾並贈賻俾其子得扶櫬歸里

畢高選號萬青山東萊州靈山衛人由貢生考授通判改縣丞順治十一年任邑有大事能勇果自任不避艱險斷決疑獄吏胥積弊為之一清捐貲供諸生講學修理兩廡治績甚著在任四載陞江西贛州府同知侯贊明字君助泗州盱眙人順治十年以歲貢任本學訓導為人靜深而

和易齋居多暇惟以琴書自娛諸生有來饋遺者皆不受時或苦寒常解橐中金遺諸貧士以備薪炭其文采可觀者必一一進而嘉導之一日迎謁上官回卒肩輿中通學為制師生之服哭送江干依依不忍舍去

劉餘清字不疑別號灤溪懷寧籍潛山人順治十四年以歲貢任本學訓導氣象嚴毅教授諸生一一俱遵條約每月示期集明倫堂端坐講學諸生拱侍兩傍執經問難有蘇湖遺風捐橐中裝修葺學舍并陽明書院在任三年引疾歸所著有越遊集易問太極說西銘解朱陸異同諸書行世江南理學之士多宗焉

周正紀號恒齋山陽廩貢生康熙十五年復設教諭首任之通經術達於事理教課從容中度藹然令人樂就勸紳士修學廟廡門堂皆新以竣報時巡撫薛公柱斗曾任按察先後悉正紀修學事作文以紀之并下

其法七府三州以為程後陞河南永城令濬河繕城惠政甚溥

方幟字漢樹號馬溪桐城歲貢初以訓導兼教諭事後周正紀至併力修葺學宮為人風雅自好愛賢禮士於貧窶時有周卹教課有法趨舉比而請質者不獨學中弟子員也孫百川舟靈皋苞隨侍課學署皆以文名重當世

陳藥林號訥齋溧陽恩貢任教諭以文行率先學校時有議以學地輸租為節孝後嗣頌胙者藥林力持不可紳士服其體剛識正為表之

曾尚增字謙益山東長清人由翰林改官知蕪湖縣事為人忠信明決公餘常親詣鄉村講讀律例恐不能遍猶刊印科條布散四境俾家諭而戶曉之培植學校勤孝考舉賓興一時治稱最陞任廣德州牧

淡如水字蓮洲號霞山陝西大荔人由舉人挑教職陞蒙城令調知蕪湖正直無留獄一時梗頑斂跡時邑旱蝗步行神山祈雨旬日不倦躬率

民役捕滅見蝗勢熾長跪烈日中籲天為民請命是夕甘霖大霽蝗盡抱蘆葦死合邑稱異因於東城內創建龍神祠為春秋祈報地大吏廉其治保舉卓異其慈祥愷悌人思之至今勿諼性嗜學於縣署葺半學齋公暇輒易冠履研窮歌嘯其中喜臨摹法帖有求書者立揮翰應之在任凡五年擢亳州牧辭疾歸

陳聖修字岸亭浙江山陰人寄籍廣西平樂由舉人歷任湖南江西知縣皆有聲嗣調蕪湖性伉爽不拘拘於簿書期會泣事明決常以片言折獄遇命案有誣陷者當場驗白即釋絕不株連無辜以故案無留牘亦獄無繫囚民之受福感恩者莫不呼為生佛嘗愛邑鏡湖風景於其勝處輒自為署書扁榜其地構琴餘別館暇日奉母居焉陞雲南府通判未治裝遘疾卒有益善堂文集四卷詩集四卷審駁成案二十四卷藏於家

吳嗣蕙字香圃江西新建人以父一薦任四川重慶知府調隨軍營殉難
金川恩蔭知縣簡發安徽誓以清白報君父歷官大江南北所至卓然
稱循吏調知蕪湖十有二載沉靜寡欲讞事無不平允重士愛民尤能
旌別淑慝以疾終於蕪貧無貲棺衾皆貸於衆乃就殮彌留之際自起
題聯句云貧病交攻三十載宦情如夢孀孤何託二千里旅櫬難歸其
操守不負初心可概見矣邑人哀感有廉吏可為而不可為之歎

周毓崙字汝峰銅山拔貢生由教習選蕪湖教諭謙恭禮士敬刊卧碑於
明倫堂側摹給諸生勉以守分敦品月勤課考其校勘無不厭服士心
時與老宿詩酒唱酬為風雅倡乾隆十八年修邑志悉任勞勩得蕨役
無譌誤以保舉去

劉鴻翥字漢儀山東濰縣進士嘉慶二十五年任蕪湖知縣政尚慈祥鞠
獄不忍加刑民感之訟亦哀息蕪湖衝繁多虧累鴻翥儉苦自奉不為

利誘改教職去官囊橐蕭然縣人遮道泣送之

蔣兆鴻江蘇吳縣監生道光中任蕪湖知縣辦災賑心力俱瘁遂咯血調任蒙城有治績十九年懷遠災兆鴻奉檄往勘感疾卒官囊橐蕭然
劉世墀字桐陔漢陽人由附生從總督曾國藩征剿浣保知縣同治元年署蕪湖縣訓練五團二年擊賊於查家灣敗之民賴安堵以母憂歸送者塞途

唐鑑字鏡海湖南善化人山東肥城籍進士由檢討御史改員外郎道光中為安徽甯池太廣道調江安十府糧道潛研性道宗尚洛閩諸賢所至以是飭其躬亦以是牖於人暇時延納人士入署親與講授設立義塾誨誘寒畯浣擢江甯布政使入為太常寺卿致仕主講金陵書院文宗召赴闕進對十五次中外利弊無不罄論旨以其力陳衰老不復強之服官令還江南矜式多士咸豐十一年卒賜諡確慎

何桂珍字丹畦雲南師宗進士由翰林院侍講於咸豐四年出為廣甯池太廣道時安慶久陷改省廬州亦為賊踞巡撫福濟軍廬州之店埠徽甯等府州暫歸浙江兼轄賊擾道梗不得之官福濟疏留江北募集鄉勇大破捻匪於霍山擒首李兆受與馬超江等降之旋殪悍酋田金爵巡撫乃疏留桂珍駐英山民兵降卒從者日眾而餉項匱乏加以超江為土人所殺兆受遂懷觖望卒以事機不密為兆受所戕天下寬之曾國藩疏請賜卹祭葬諡文貞建祠英山世襲騎都尉

鄧瀛字介槎福建上杭進士道光二十二年由御史出任甯國知府訊斷明決刁健之徒無不斂戢甯俗惑於風水親沒多殯厝不葬瀛出示嚴禁並於考試日飭令保結內聲明有無親歿不葬等情分別收考詳請定章永革陋習遇水旱災捐廉創設粥廠全活甚眾敬亭書院久弛重加整理捐助膏火手訂學規六條惟以力學敦行為勗咸豐三年軍興

設保衛局團練以故甯城獨障一面六年升徽甯池太道兼按察使銜緣事革職旋開復原官八年以奏參浙江道員許烺議降級離任去之日士民焚香泣送者踵相接云光緒三年奉旨祀名宦祠

福咸蒙古正紅旗人道光己酉拔貢河南知縣累擢江南鹽道咸豐九年調署徽甯池太廣道駐甯國府堵剿髮逆招集流亡十年府城被圍督率軍民固守待援自五月至於八月城陷接戰受傷墜馬與縣丞沈煒幕友王榮昌家丁鄭榮等均死之贈按察使銜照道員例優卹給騎都尉世職

程鈺字琢堂江西鄱陽舉人補額上縣咸豐十年授徽甯池太廣道加按察使銜仍留署額州知府同治元年調辦剿匪事宜二年病歸旋卒同治九年奉旨入祀名宦

姚體備字秋浦山東鉅野進士咸豐中從曾國藩剿賊安徽以補用道員

辦理營務十一年署徽甯池太廣道駐於祁門時賊擾轄境力籌防剿撫綏難民威惠甚著同治元年秋巡閱徽甯各嶺防蒙犯瘴疫卒於營卹贈蔭如軍營立功後病故例

張鳳翥字鍊渠江西武甯拔貢同治二年署徽甯池太廣道駐於祁門三年浙蘇羣賊盡竄徽境鳳翥協同各營籌辦防剿得以保全旋撤祁門團練修學宮興書院與民休息四年實授徽甯池太廣道時湘軍駐防徽州府及休甯縣者有譁餉之變鳳翥不避艱險前往安撫事定調省憂勞成疾卒卹贈蔭如軍營立功後病故例

馮志沂字魯川山西代州進士由刑部主事洊升郎中咸豐三年尚書許乃普以知兵薦奉旨交山西巡撫差遣派防固關事竣回京十一年授廬州府知府勝保奏調隨營剿捻有功加道銜同治三年唐訓方調辦文案旋赴本任招集流亡撫綏教養禮賢課士謝絕餽遺清操自勵深

為曾國藩所器重累署鳳穎六泗道安徽按察使補徽甯池太廣道皆以清靜為治廉威稱其職六年卒於官幾無以斂行篋僅圖書千餘卷著有微尚齋詩文等集贈光祿寺卿廕子知縣如軍營立功後病故例曾國祿字季洪易名貞幹字事恒文正公之季弟也逾冠補諸生屢冠其曹己而厭薄舉子業究心手搏擊刺法粵寇起文正奉詔討賊貞幹帥六百人從咸豐三年冬平常甯洋崗土匪時楊載福方為把總彭玉麟方為諸生皆為貞幹僚佐因亟薦諸文正曰兩君英毅非常某願下之四年三月岳州兵敗又亟白諸將無罪己願獨坐之其後楊彭果以水師雄視東南而諸將亦次第登用擢取高官大名貞幹獨黯黹歸去築室柴田山中身與世違及愍烈戰歿三河大慟誓出殺賊以報讎而雪恥會鄂帥胡公廣求將才命貞幹分領千人自黃州戰而東十年正月連克太湖潛山三月與兄忠襄之師會圍安慶明年八月克之先是程

學啟陷於賊為賊將貞幹設計招降程果以三百人夜叩營賊覺追急程大呼開壁衆疑其詐貞幹獨信之全開壁門納入克安慶之役程功為多同治元年正月師次三山三山者宣池羣賊四萃之區軍入援絕寇十倍乃以計招降三縣義民之陷賊者燠咻而厲使之得四千人編伍約法用破魯港克繁昌下南陵復蕪湖語在武備戰事中而忠襄之師亦以是時克東西梁山徇和州當塗奪采石兄弟復會師進薄金陵雨花臺江東久虐於兵疹疫繁興將士物故相屬貞幹亦病屢瀕於危將假歸休養適偽忠王李秀成率援賊數十萬至強起籌戰守自當西路衛餉道與賊血戰四十六日賊死蹕不得逞解圍遁貞幹疾遂不起年三十有五初貞幹以功敘儒學訓導克皖晉同知賞戴花翎克蕪湖及南陵繁昌賜述勇巴圖魯雨花臺大破援賊晉知府命下已不及見矣事聞追贈按察使從優議卹蘇撫李鴻章奏陳貞幹戰績特旨照二

品例議卹予諡靖毅贈內閣學士銜敕建專祠宣付史館立傳

吳坤修字竹莊江西新建人由湖南知縣於咸豐三年為曾國藩所拔識
隨營帶兵轉戰湘鄂江皖四省克復府縣城池二十餘處力扼湖口要
衝剿辦皖南路逆移防無為廬江蕪湖會克九洑洲各要隘洊保題奏
按察使同治四年署徽甯池太廣道補安徽按察使五年署布政使轉
輸饒饒興學校建廡署辦城防六年回任七年署巡撫時皖軍剿捻坤
修駐壽州籌協前敵軍餉整飭營伍經理善後悉竭心力旋補市政使
仍署巡撫九年回任整頓吏治綜理餉需勤催科籌賑卹鉅躬親積
勞成疾十一年卒官贈內閣學士銜蔭子八監以知縣用坤修好讀書
喜為詩刻半畝園叢書三十種著三恥齋詩集十卷在任時浚省城溝
道置學宮禮樂器選諸生肄之又建忠義節烈祠曾文正專祠奎星閣
大觀亭振風塔余忠宣墓任徽甯道時建鳩江書院重修滴翠軒李醇

風墓皆捐資為之鳩江書院落成公自署一聯云執鞭弭以事戎行幾經奮臂前驅十年兵氣銷吳楚易壁壘而為學舍從此掀髯仰望一道文光射斗牛一時儒將風流可想見云

李文森字恕皆貴州鎮遠進士奉天知縣有循聲同治元年曾國藩以堪任師旅熟悉吏治奏調安徽行抵臨淮唐訓方委署亳州知州時僧王駐軍亳東委文森讞案移軍蒙城雉河皆令隨往又委運銅礮至蒙城初帶勇百名二年僧王北行乃增募千人駐防東路蒙城告急引軍援之擢潁州府知府苗逆平僧王委運糧蒙城賑難民三年擒就撫復叛之小霸王者正法提所屬控府各案訊結多起修考棚課書院升授廬鳳潁道四年署安徽按察使旋署徽甯池太廣道先是吳坤修仕徽甯道捐修鳩江書院至是文森請准月撥釐局銀五十兩考課諸生外給銀千兩墾田入書院收租為永遠膏火修房二十餘間為肄業所勒碑

記之五年解官送部引見改雲南委用道六年赴滇道卒年三十九安徽士民思其遺愛請祀名宦

劉傳祺字小崧宛平進士由庶吉士改刑部歷補郎中出知甯國徽州安慶府事徽州當粵逆蹂躪之後撫綏瘡痍修舉廢墜營勇譁餉幾成禍變傳祺恩威並用遂得無事去徽日攀轅泣送者近千餘人在安慶十年務為安靜休養士民陰受其福先後督辦災賑全活甚衆光緒元年升江安糧道以祖籍迴避改授徽甯池太廣道時規復蕪湖鈔關又添設通商口岸一切經始章程皆所釐訂積勞成疾卒於官

南承烈字篤菴浙江人同治四年任蕪湖縣性剛正聽斷廉明修蕪湖縣志惜未刊刻稿亦散失

王鴻飛字緒雲山西韓城進士五年任治蕪湖清廉有政聲祠宇多奉長生祿位

屈承福字蔭堂江南舉人光緒五年任蕪湖縣建造監獄政尚慈祥

袁昶字爽秋自號漸西村人浙江桐廬人光緒丙子進士十九年簡放徽甯池太廣道在任五年壹意專注吏事民事農桑學校捐廉創導次第興辦皆有成效以二十四年升陝西按察使擢江甯布政使入都陞見調直隸布政使尋特授三品京堂補太常寺卿二十六年北方變起夏初貽書東南友人誓心殉職克踐前言卒年五十有四一時噩耗傳聞野老婦孺咸咨嗟太息異口同聲先是昶任蕪關道時蕪湖舊有中江書院昶念五屬人士所萃規模狹隘不足矜式多士乃增建經義治事兩齋手訂課程聘禮院長優餼月課按季增課經史性理輿算格致有用之學創建尊經閣捐募官私精輟稟請本省江浙蘇鄂各大府頒局刻經史子集購采同文製造方言館局新舊編著並捐置手自鐫刻東北衛藏邊防兵陣樹藝種畜醫藥占候各種藏度數萬卷俾諸生以時

鈔覽暇日接見蘄蘄以朱子樸實閤修安定明體達用為教先後捐廉四千餘兩瀕行復備案儲銀五千兩發典生息預為擴充地步又屬府多毘鄰江浙土性宜桑自捐廉赴浙采買桑秧數十萬株俵發各屬徧行種植開蕪河兩岸隙地設課桑局捐刻齊民要術農桑輯要種樹書廣蠶桑說流通不下數千部又酌採近世種桑善法編發簡易韻語多方勸導比歲各屬登繭出絲遂成大宗蕪湖商埠為南北樞紐盜匪出沒十七年蕪地教堂被毀西鄰責言致償鉅款二十年東事方警各國兵艦絡繹於境人情恒擾會匪乘之防營單薄昶首創月捐集款募勇編禁保衛營晝夜巡防閭閻賴以安堵會東事亟報効軍需八千餘兩二十一年清釐關稅案內裁汰外銷款項歲萬八千餘兩生平輕財慕義而表章先哲激揚行義尤皇皇如不及捐建王文成公祠於省垣勸立先覺正氣遺愛三龕分祀皖南歷代先賢名宦於中江尊經閣捐修

前明直諫謫宣州衛給事中姜公埰墓門置田禁樵蘇刻石紀事訪明遺老蕭尺木墓址伐石立碣修宋黃文節滴翠軒讀書處遺構卹蕪邑曾荷旌表陶孝子歲時由校致緡泉其家按月津貼校官赴鄉宣講聖訓鄉約聞民間節孝立予表揚或獎給匾額各屬多習停櫬懸葬儉俗尤甚因刊給勸葬說諄諄勸戒捐資掩殮積年懸槥五千餘具其餘禦火菑周困乏施藥餌散窮棉不可殫舉而其實惠所尤切者莫如隄工蕪湖西南鄉圩隄十餘里枕江界湖歲虞衝決昶平日留心水利經行相視軫燭民艱捐發樁木飯食經費以資所亟自大關亭至魯港各隄尤為瀕江保障二十三年春捐廉五千餘兩設局鳩夫萬鍾奔赴躬往部署涵洞陡門悉臻完固遷陝臬行有日矣猶捐廉飭屬繼修其以實心行實政類如此光緒二十六年拳匪亂起諫疏三上極言匪不可恃載漪等疾其慙直乘機誣陷致罹重辟天下寃之未半月聯軍入都乘

興西幸自是朝廷察其忠蓋受誣詔復原官並加恩子嗣宣統元年予諡忠節二年復從江督張皖撫朱奏准在蕪建立專祠